

清·方略館 編

清代 方略 全書

北京圖書館出版社



清代方略全書

一八八

清·方略館編

北京圖書館出版社

清·奕訢等撰

欽定平定陝甘新疆回匪方略

卷三二九——二四四

清光緒二十二年（一八九六）鉛印本



欽定平定陝甘新疆回匪方略卷二百二十九

庚午年

閏十月十五日

丁丑

張廷岳阿爾塔什達奏言接

烏里雅蘇台參贊大臣錦丕勒多爾濟咨開烏
城失陷請兵合剿知照臣等協濟餉銀伏思庫

倫與烏城毗連從前竄匪圖犯庫倫猶有烏城
在後牽掣今烏城旣失勢必奔突庫倫其來路
或由烏城東犯或由沿邊卡倫抵恰克圖再犯

東南如此則庫倫一區既無西面之救援又無
南來之接應實屬危急籲懇

天恩飭將前次請撥大同宣化二鎮官兵各一千名迅

速裹糧出口星夜來庫協同防剿再前奉

旨飭令晉省劃撥銀五萬兩迄今尙無消息庫倫防兵

口糧已積欠兩月有餘此次協濟烏城銀兩雖

庫倫現無贏餘揆諸義理萬不容辭臣等傳集

商民諭令迅速設措無論多寡儘數協解該參
贊大臣以濟要需俟晉省餉銀解到再行歸款
張廷岳阿爾塔什達又奏言札薩克圖汗部落
盟長王多普沁札木楚報稱烏城失陷巴爾嚕
克額魯特已形背叛勾結賊匪意圖分竄各處
臺站不通往來文報殊費周章臣等伏思巴爾
嚕克額魯特背叛情形如果屬實則科布多亦

甚可慮仰懇

聖恩俯念邊疆軍務緊急遴派將帥調集各路滿漢官

兵迅速出口勦辦以安邊圉奏入

上命軍機大臣傳諭李鴻章定安文盛杜嘎爾何璟錦
丕勒多爾濟張廷岳阿爾塔什達奎昌文碩文麟景
廉伊勒屯何瑄曰庫倫與烏城本有犄角之勢烏城
既爲賊陷則庫倫孤立無援必須厚集兵力以資防

勦前調宣化大同兩鎮官兵各一千名卽著李鴻章
何璟迅卽調派寬籌餉乾催令剋期前進交張廷岳
等調度前調達爾濟馬隊一千名並古北口撤回吉
林黑龍江馬隊二千名及綏遠城槍隊東三省馬隊
均交杜嘎爾統帶赴烏助勦現在庫倫需兵孔殷以
上各軍馳抵邊外如賽爾烏蘇等處應否酌撥若干
留庫助勦著張廷岳等與錦丕勒多爾濟斟酌軍情

妥籌調遣此時察哈爾綏遠城所調各兵想定安文
盛等接奉前旨必已迅速調派卽著催齊各軍由杜
嘎爾統帶星馳前進不得稍涉遷延錦丕勒多爾濟
退離數臺駐紮日來蒙古官兵能否調集棍噶札拉
叅已否帶兵前來現在賊勢若何並著隨時具奏文
麟景廉伊勒屯何瑄仍著懷遵前旨酌撥得力官兵
赴烏策應張廷岳等現擬設措銀兩解交錦丕勒多

爾濟以應要需尙屬力顧大局著照所請辦理俟山西餉銀解到再行如數歸還部撥烏庫餉銀已諭順天府迅卽起解惟恐到尙需時文盛前請將茶馬釐捐銀三萬餘兩歸入軍需項下支放兵餉已允其請著卽於此款內先撥一二萬兩解赴庫倫應用俟部餉到後卽行劃抵科布多逼近賊氛據張廷岳等奏稱巴爾魯克額魯特已勾結賊匪意圖分竄科城防

務緊要奎昌文碩務當嚴密遏堵毋稍疏虞棍噶札
拉叅現在何處並著奎昌等催令剋日赴烏剿賊邊
外賊勢狍猖臺站梗阻定安文盛等總當多發偵探
務得賊情隨時具奏巴爾嚕克額嚕特有通匪之說
著張廷岳阿爾塔什達錦丕勒多爾濟檄飭札薩克
圖汗撫諭各部落隨同官兵實力勦防以安反側庫
倫情形喫緊著錦丕勒多爾濟會同棍噶札拉叅將

由烏竄庫倫並恰克圖兩道扼要堵禦毋任東竄張
廷岳於各路官兵未到以前務就現有兵力嚴密布
置並發連環偵探隨時奏聞

十七日己卯金順奏言王家疇後路沿河一帶陝

匪數千自前月竄踞與通昌等堡互爲聲援出
擾運道雖經防兵疊次斬擒仍時出游騎攻掠
又南路馬家灘西岸亦有竄匪往來經臣疊檄

後路各營相機勦辦張曜亦派隊會擊提督劉
廷等各率所部由平羅拔營至洪廣探悉陝回
馬步三千餘人盤踞通昌西北一帶圩內各軍
分路進攻提督劉廷立將南面一圩攻破提督
程之偉選敢死士攻毀北面二圩將僞大帥馬
長馴殺斃另股馬賊八九百騎竄進石觜經駐
防營官傅守巽等分投迎勦賊衆向南敗退留

防中衛之肅州鎮總兵黃金山亦敗賊於西沙
窩一帶該總兵卽整隊來至王家疇計南北兩
路踞匪經官軍擊勦漏網無多餘逆一股又被
石觜防軍擊敗從此游氛易埽惟王家疇賊衆
連日堅閉死守臣與張曜督飭各營並黃金山
所部盡力圍攻一切勦辦情形謹當隨時續報
此次陣亡儘先守備田世君仰懇

三才圖會卷之三
天恩飭部從優議卹奏入

附田世晉附懸

上命軍機大臣傳諭金順曰王家瞳日久未下通昌等
堡踞回及南路馬家灘一帶竄匪時欲乘閒滋擾牽
掣官軍經金順會同張曜派撥兵勇分路勦擊將南
北兩路賊巢攻毀擒斬甚多餘逆一股亦被石嘴防
軍擊敗卽著金順飭令劉廷等迅將敗竄各匪悉數
殲除毋令漏網一面會商張曜嚴檄前敵各營並黃

金山一軍乘王家瞳踞匪勢孤之時迅速進剿將賊
寨剋期攻拔毋得遷延觀望日久無功該逆被剿窮
蹙難保不伺隙竄出金順務當嚴密布置將此股賊
匪就地鏟除以杜紛竄陣亡之儘先守備田世君著
交部從優議卹

十八日

庚辰

李鴻章奏言接奉

諭旨令飭宣化鎮總兵王可陞帶兵馳赴庫倫協防

臣

當卽轉飭遵辦茲據王可陞稟稱擬在該鎮練
軍內挑派馬隊營官兵二百名步隊兩營官兵
各四百名共成一千名配帶隨用軍械飭令營
哨各官趕製行裝請領餉乾帳房藥鉛等項以
利遄行等語除飭省局司道寬爲籌給該官兵
等三個月餉乾並應領帳房藥鉛等項俾資備
辦並飭宣化萬全等縣照例應付車輛臣查庫